



Aqqalu C.Jerimiassen  
Atassut

UKA 2023/110  
25. Oktober 2023

**Kalaallit Nunaat naalagaaffinngorusussagaluarpat Kalaallit Nunaat Danmarkilu akunnerminni  
inatsisilerinikkut, politikkikku aammalu aningasatigut inissisimaneranut tunngatillugu  
Namminersorlutik Oqartussat Naalagaaffillu peqatigiillutik naatsorsuutigisassanik  
aaliangeeqatigiinnissaat ilumut isumassarsiatsialaanersoq oqallisissiatut siunnersuut.**

(Inatsisartunut Ilaasortaq Jens-Frederik Nielsen, Demokraatit)

Oqaaseq naalagaaffinngornissaq namminiilivinnissarlunniit politikkikku taaneqartillugit, allaaneq ajorpoq partiit saamerliit qeqqaniimaarnerusullu tamarmik oqarluartaarneqqisaallutik aallartittartut.

Uagut Atassummi ilisarnaatigereerparput toqqortererpalaartumik oqaloqinata, misigissutsinillu inuiaqatigiit taamaassorinninneq aallaavigalugu ikummarsarneqartuarnerannanut peqataajumasanginnerput.

Ilami taamannak oqaluttarnerput ilaatigut, politikkikku oqarluartaartuarnerup naalagaaffinngornissallu tusarnersaarutigineqarluni ukiorpassuarni qineeqqusaarutigineqartuartarsimanerani kinguarsaasutut, qallunaannguartutut, ataniaannartutut unittooqqasutullu tikkuartorneqartualersimavugut. Ajornerpaarli pigaangat oqaluunneqalertarpugut toqqannartumik, nunarpungooq qimaannartigu, qallunaajorusoqiguttagooq nunatsinniit anisitaaniarta, sumiuunerpunngooq kanngugigutsigu nunarput qimaannartigu, ila aali nunaqqataalluta oqaatsigut pingaartingaarlugit qitornatsinnut allaat iluamik atorneqarnissaanik oqaaqqissaariuartarluta, immaqalu angerlarsimaffitsinni nunatta pissarititaanik naammattunik allaat peqareerluta.

Ilimagereersinnaavaraluunniimmik maanna, uani uumap atuarnerinnaani inuiaqatitta ilaannit, partiip aliangersimanerugunartup allamiuluartunngorsarsimasaanit allatullu isummersortunut ajattuisuliarisimasaanit akerartummik Atassummi ilaasortaasugut pissarsissajunnarsiumaartugunaasiit.

Ingasammik maanna ukiuni kingulliunerusuni, ingasaassiniarpalaartumik naalagaaffinngornissaq pillugu politikkertoqartalernikuuneranni partiit ilaannit, inuiaqatigiinni allamiuluarnerit allatullu naalagaaffinngornissaq pillugu isumaqartuusunut assisuinerit sakkortorsimaqaat.

Ilami imannak oqartoqarsinnaapajaarunarpolorluunniit, qanga ukiuni akullerniusuuppat uagut naalagaaffinngornissamut uatsilaarallarnermik allaanerusumillu oqartartuusugut ikuallagaanissamut ulorianartorsiorunnarsignaluarpugut.

1953 tikillugu nunatta Qallunaat nunaannit nunasiaataasimasutut inissimasimanera aallaavigalugu, periarfissarisinnaasagut ukiut aggersut pingaartuusinnaavoq oqallisigilliassallugu.

Demokrateerput inuuusuttunnguuvoq, sunarujussuarlu maanna tassa maanngaanniit inersuarmiit aaliangersarsiinnaalersevarput, naalagaaffimmit oqariartorfingineqarneq ajorpugut imaaliussuusi imaaliussanngilasiluunniit. Ilami namminersornermut inatsisikkut ima illersugaatigivugut, allaat aqagu taasitinneqarsinnaalluta naalagaaffinngornissamut.



Kingunissaali eqqartorneqalersillugu, qanoq ingerlariaqqinniarlugut, nilliajuartuusut tamanna akissutissaqartinngisaannarpaat. "Sapinngilagut pisinnaavugut" kisimi amigarpooq.

Naalagaaffinngulivinnerpummi qinersisoqalernerit tamarluinnaasa eqqartorneqartuartartoq ajornanngitsumik pointinnanniutitsialanngorsimasutut taaneqarsinnaavoq, piviusumulli pinermi qanoq ilumut pisoqarumaarnersoq pissanganarpooq. Piviusumut pineq, sooq taanna oqaaseq atorpara? Tunngaviusumik inatsisisamut isumaliutissiissutaasoq pillugu maani inersuarmi oqallikkatta innuttaasut taasisineqarnissaat allannguutissatut siunnersuusiaraarput, ajoraluartumilli naalagaaffinngorusoqisunit annerusumilluunniit nilliunneqanngilaq. Qanoq taava paassisuarput, qineqqusaarutigeriarlugu taaneqarmat piviusumi sisinut qimaapallak?

Aningaasalersorneqarnissaanillu oqallittarnermi paaserusunnartarpooq, ataatsimoortumik tapiissutit piujunnaassappata qanoq ingerlariaqqissanersugut. Oqartoqartalaruarpoq paasissutissanik takussutissartaqanngitsunik Qallunaat nunaatagooq Pituffik iluanaarutigisaraa, konspirationsteori atorlugu politikkikut oqallittarniarlugut?

Una pineqartannguatsiarami tassani, Qallunaat Nunaata ukiumut pisussaaffini BNP-minit 2% NATO-mut akiliutigisartussaasani naammassineq ajormagu, taannalu sakkugineqartarmat Pituffiunngooq atorneqarneranut akikillisaataasartutut, kisiannimiuna taanna USA-p sakkutooqarfia, NATO naalagaaffinnik 31-inik ilaasortaqarpoq, aamma NATO-mi nunat ilaasortaasut arfineq-pingasut kisimik 2% qulaallugu akiliisarput. Taamaammat taanna sakkutoqarninnaaq naammaqqajanngilaq toqqammavilersuutiginassallugu.

Oqarniartoqartarpooq, misilinngikkutsigulumigooq paasiunnarnagu, kisiannimi ilaa naalagaaffinngorneq misilinnejqarsinnaanngilaq aamma peqqissimeriarfissartaqartussaanngilaq utertinnejqarsinnaajunnaranilu. Taamaammat pingaartuuusorinraluarporluunniit, innuttaasulluunniit taasinnejqartariaqaraluartut naalagaaffinngornissamut ilumut piffissaasorinerlugu, taamaassappammi amerlanerussuteqartut innuttaasut tamanna toqqassappassuk piareersarneq aallartittariaqalertussaassagami naalagaaffiup isumaqtiginiarnissaanut taamatuttaarlu nunanut aningaasatigut isumaqtiginniarnissamut.

Illersornissatsinnummi tunngatillugu ullumikkut soriaannaanngisatsinnik torrallaaniaqqaartusaavuguttaaq, aammalut maanna ataatsimoortumik tapiissutit naalagaaffimmit pioreeraluartut illersornissakkulluunniit pinerluttaalisitsinikkullu akissaqanngilagut. Aap, akilersuleratigit suli akissaqarnerput unammillernartumeereerpoq.

Sorpassuit naalagaaffinngortigata aaqqikkusutatut Atassummiit taakkartortuartareerpagut, imaluunniit allat oqartarnerattut kinguarsaasarnigunngooq, maannalu taakku uteqattaaqqikkusupallaanngilakka, oqartareerpugummi pujoorfissuaq siulluniuarsariunnaalaartariaqaripput, immaqaluunniimmil illoq sananeqanngitsorluunniit qalissiassarsui siaartiterniarsarilereertoortaratsigit.

Naalagaaffinngorneq avataaniit tunniunnejqarunnanngilaq, nammineq uagut pilersitassarisussaassuarput qaqqaguugaluarnersoq, aamma aningaasat qilammiit namminneerlutik nakkakaalerunnanngillat.

Assigiinnarpaami pisiniarfimmik ammaagutta, silataani pisiniarfiusoq allagartalernagu, ammasarfiiut paasissutissalernagu neriuinnarluta taamaalluni isertoqarumaartoq aningaasaassuarnillu ulikkaalerumaarluta.



Apeqquuteqaat aallaavigalugu oqallissiaqartumut Atassummiit qujalluta, neriuppugut arlaatigut oqallinneq atorsinnaajumaartoq suleriaqqinnissami.